



Porjad za spožčenje “Myta za hospodarstwo”

§ 1 Zasady za spožčenje myta

- (1) Za přikładne spěchowanje serbskosće w hospodarstwje spožči Domowina – Zwjazk Łužiskich Serbow kóždolětnje “Myto za hospodarstwo”.
- (2) Wo myto smědža so jednotliwcy, zjednoćenstwa kaž tež předewzaća požadać. Namjetować smědža kandidatow tež třeći.
- (3) Z mytowanja wuzamknjeni su jednotliwcy, zjednoćenstwa, zarjady, institucije a předewzaća, kotrež su zakonsce winowaci serbsku rěč spěchować abo kotrež so za zwoprawdženje serbskorěčnych naprawow ze srědkami třećich spěchuja.
- (4) Za wobjednanje požadanja ma požadar/namjetowany pisomnu zwólniwość předpožić, zo chce so na mytowanju wobdźělić a w padže mytowanja abo spožčenja připóznaća, zo směmy zjawnosć wo nim informować.
- (5) Zarjad Domowiny wopodstatni zapodaće požadanja/namjeta.

§ 2 Myto za hospodarstwo

- (1) Za wusahowace a přikładne spěchowanje serbskosće w hospodarstwje smě so maksimalnje dwěmaj požadarjomaj wob lěto “Myto za hospodarstwo” spožčić.
- (2) Myto smě so kóždemu požadarjej jenož jónu spožčić.
- (3) Myto wobsahuje:
 - a. digitalnu a analognu značku za wužiwanje w swójskich publikacijach a na produktach,
 - b. plaketu z napismom “Myto za hospodarstwo”,
 - c. mytowanske wopismo,
 - d. zjawne wozjewjenje na webstronje Domowiny a w socialnych syćach,
 - e. pjenježne myto we wysokosći 1.000 € a předstajenje mytowanych w nadregionalnym hospodarskim magacinje.

§ 3 Připóznaće za spěchowanje serbskosće w hospodarstwje

- (1) We woprawnjenym padže smě so požadarjej spožčić “Připóznaće za spěchowanje serbskosće w hospodarstwje”.
- (2) Připóznaće wobsahuje:

- a. digitalnu a analognu značku za wužiwanje w swójskich publikacijach a na produktach,
- b. plaketu z napisom "Připóznaće za spěchowanje serbskosće w hospodarstwje" z lětoličbu,
- c. wopismo připóznaća a
- d. zjawne wozjewjenje na webstronje Domowiny a w socialnych syćach.

§ 4 Mytowanski wuběrk

- (1) Zwjazkowe předsydstwo Domowiny powoła na dobu mjez wólbnyh hlownymaj zhromadźiznomaj Domowiny za spožčenje myta zamołwity wuběrk.
- (2) Wuběrk dźěła po jednanskim porjedže zwjazkowego předsydstwa. Dalše naležnosće dźěławosće wuběrka so w předležacym porjedže za spožčenje "Myta za hospodarstwo" rjaduja.
- (3) Čłonojo wuběrka maja na dowěrliwosć džiwać.
- (4) Čłonojo wuběrka, kotřiž su přiwuzni přenjeho stopjenja požadarja/namjetowaneho, su zajatosće dla z jednanjow a wothłosowanja wuběrka wuzamknjeni.
- (5) Čłonojo wuběrka su z mytowanja wuzamknjeni.
- (6) Wuběrk wozjewi termin zapodaća namjetow/požadanjow najpozdžišo hač do 30.03. kóždoho lěta.
- (7) Wuběrk wudźěła katalog kriterijow, kotryž je zakład za posudžowanje.
- (8) Přeciwo rozsudam wuběrka je prawnski puć wuzamknjeny.

§ 5 Płaćiwosć

- (1) Porjad nabudže z wobzamknjenjom Zwjazkowego předsydstwa Domowiny dnja 07.06.2024 swoju płaćiwosć.